

2442

2443

2444

2445

2446

2447

R

84
U-26

2003
W

ՀԱՅԿԱԿԱՆ ԽՆԴԻՐ

"CILICIA" BOOK STORE
57 La Belle Ave., H. P.
DETROIT, MICH.

ՄԻՆԱՍ ԶԵՐԱԶ

ՀԱՅԿԱԿԱՆ ԽՆԴԻՐ



ՎԵՆԵՏԻԿ

ՍՈՒՐԲ - Պ. Ա. Զ. Ա. Պ.

1917

10117



6176
41 Q





Մինաս Զերապ

ՀԱՅԿԱԿԱՆ ԽՆԴԻԾ



Պ. Սարուխան 1912ին թիֆլիսի մէջ հրատարակեց իր Հայկական խնդիրնե և Ազգային Սահմանադրուրինը թիւրքիայում ընդարձակ երկասիրութեան առաջին հատորը։ Կարդացի այս համբերատար, բաւական խղճամբա և գրէթէ անաշառ ուսումնասիրութիւնը, որ, կուսակցամուգրչակներու ժահրէն ալ զերծ, մեծ պատիւ կը բերէ հեղինակին։ Ունէի սակայն ինչ ինչ դիտողութիւններ, և որոշեցի յաջորդ հատորին սպասել, երկուքին ալ պատասխանելու համար միահաղոյն։ Այդ հատորը լոյս չը տեսաւ ցարդ, և գուցէ ներկայ աշխարհածութիւ պատերազմը աւելի յետաձգէ անոր հրատարակումը։ Ուստի, առանց այլ ևս յապաղելու, կ'ուղեմ լուսաբանել հեղինակին քննադատած գլխաւոր կէտերը, իբր միակ անհատը որ գեռո ողջ մնացած ըլլայ Ներսէս Վարժապետնանի գործակիցներէն, Պէրլինի հայ պատուիրակութեան անդամներէն և նոյն իսկ 1878ի վեհաժողովին մասնակցողներէն։

* * *

Պ. Սարուխան կը գրէ թէ ոռու-թրքական պատերազմին առթիւ հրատարակուած պատրիարքական շրջաբերականը «Ներսէսի այն ժամանակի թիւրքամոլութեան կոթողն է համարվում»։

Իբր Հասգիւղի և Վարժապետեան ընտանիքին գրէթէ դրացի, կրնամ ըսել թէ ոչ ոք ինձ

չափ մօտէն ճանաչած է այդ յաւէրժայիշատակ պազապետը, այն հին տարիներէն սկսեալ ուր «տիրացու Պօղոս» կը կոչուէր և Ետիգուլէի Ս. Փրկչեան որբանոցին հայկաբանութեան դասաւուն էր, մինչև կոստանդնովուպոլսի պատրիարքական աթոռին վրայ վախճանիլը: Կերսէս Վարժապետեան «Թիւրքամոլ» չ'է եղած երթէք, ոչ «այն ժամանակ» և ոչ այնուհետու: Կա եղած է պատեհական, և պատեհականութիւնը միակ քաղաքականութիւնն է որ յարմարի տկար ազգերու: Եղէզի քաղաքականութիւնն է այն, որ կը ծոփ ամենի քամրիին առջև, այլ յետոյ նորին կը ցողուի: Մատթէոս պատրիարք իգմիրլեան կաղնիի քաղաքականութիւնը փորձեց, և արդիւնքը եղաւ ընդհանուր կոտորած:

Պատերազմի տարիները միշտ ամենէն ահաւոր տարիները եղած են Տաճկաստանի Հայերուն համար: Գաղանացած բռնաւորներու չարիքներէն գերծ մնալու համար, անոնք ստիպուած են հաւատարմութեան ցոյցեր շռայլել և նոյն իսկ «հրեշտականման թագաւոր» անուանել ինչ որ «հրէշանման թագաւոր» պիտի կոչէին եթէ ազատ ըլլային: Վարժապետեանի շրջաբերականը արդարեն գատափետուեցաւ ուսւասէրներէն, հայթէ օտար, այլ երբ իրեն յայտնեցի զայս, պատասխանեց: «Այդքնաղատները խելահաս մարդիկ ըլլալու չ'են, քանի որ չ'են կրցած ըմբռնել թէ ոչ-մահմետական ցեղերու պետերը հաւատարմական յայտարարութիւններ ընելու ստիպուած են, իրենց ժողովուրդը վասանգի չ'ենթարկելու համար: Թուրքը կը ջարդէ, և, երբ ջարդն սկսի, քննաղատներս չ'են կարող կասեցունել զայն: Յունաց տիեզերական պատրիարքը իմինէս շատ աւելի պահպանողական շրջաբերական մը հրատարակեց, որոյ մէջ Որդիիք Սատանայի կոչեց այն Յոյնէրը որոնք անձնուիրաբար չ'են ծառայեր օսմանեան պետութեան, իրենց դաւանակից Ռուսին դէմ մղուած պատերազմին մէջ:

Արդէն Վարժապետեան ընտանիքը պատճառ ունէր «Թիւրքամոլ» չ'ըլլալու: Կերսէսի հայրը պարկեցա վարժապետ մ'էր. Ենիչէրի մը, որոյ շալը գողցուած էր, չը կարենալով բուն յանցաւորը գունել, անհիմն կասկածով մը բանտել տուաւ զայն: Թօմրուք Աղասիին արիւնոուշտ ոստիկանները տանջանքի ենթարկեցին կալանաւորը, որպէս զի իսուսովանէլ շալին ուր պահած ըլլալը: Զգացած ցաւին հակառակ, խեղճը շարունակեց պնդել իր անմեղութեանը վրայ, մինչև որ երևան ելաւ թէ ուրիշ Ենիչէրի մը գողցած էր շալը: Մարդը բանտէն արձակուեցաւ, այլ այնպիսի վիճակի մը մէջ որ իսկոյն անկողին ինկաւ և հոգին փշեց: Այս անմեղ զոհին որդիին էր Կերսէս Վարժապետեան, որոյ Գրիգոր եղբայրն ալ Հասպիլով շարդին ատեն յօշոտուեցաւ թուրք խուժանէն:

* * *

Հաւատարմական ցոյցերու շրջանին կը վերաբերի նաև Կերսէս պատրիարքին առ անզիւհական գեսապանն ըրած «հակառուսական յայտարարութիւնը», զոր Լէյբուտ Լօրտ Տէրպիին տեղեկագրած է իր տաճկասէր քաղաքականութեան պահանջած չափազանցումովը, այնպէս որ «Կերսէս ստիպուած եղաւ ոչ միայն ինքն իրան արդարացնել, յայտարարելով թէ իր խօսքերը սխալ են հաղորդուած, այլ և իր ստորագրութեամբ այդ իմաստով պատասխան-հերքում հրատարակել», ինչպէս կը զրէ Պ. Սարուխան: Տարի մը ետքը, Լօրտ Սօլզպիրի ալ իր տաճկասէր քաղաքականութեան պահանջումներուն համեմատ պիտի տեղեկագրէր Լէյբուտին իր տեսակցութիւնը Խրիմեանի հետ, ինչպէս պահ մը վերջը պիտի ետնուուր:

Տաճկահայ ժողովուրդը, մահմետական մոլե-

ունդութեան հալածանքէն տառապած, քրիս-
տոնեայ Ուուսին նկատմամբ բնազդական համա-
կրանք մը տածած է միշտ: Եթէ Ներսէս և իր
ժամանակակից ազգասէրներուն մեծ մասը հա-
կառուս ոգի մը ցոյց տուած են, յանցանքը ա-
ւելի ուուսահայ տժգոհներու վերագրնիլ է: Փիչ
Տաճկահայեր ծանօթ էին ուուս կառավարութեան
արարքներուն. ուուտի վստահութեամբ ականջ կը
դնէին այդ տժգոհներու տրտունջներուն: Պուսա-
հայութեան մէջ առաջին հակառուս սերմերը
ցանողը եղաւ Սիրայէլ Նալբանդեան, զոր Օ-
տեան գերդաստանը օրերով հիւրընկալեց իր
Սկիւտարի բնակարանին մէջ, այժմ Պէրպէրեան
վարժարան: «Կոմս Խմանուէլ»ի ազնիւ ոգին
և բոցաշունչ ազատափրութիւնը խոր տպաւո-
րութիւն գործեցին ունկնդիրներուն վրայ, ինչ-
պէս լսած եմ բարեյիշատակ Գրիգոր Օտեանէն:
Իրմէ յետոյ նոյն հակառուս երգը երգեցին Համ-
բարձում Իփէկճեան, որ Խրիմնցի էր, և Մարկոս
Աղաբէգեան, որ, թէս Զմիւռնացի, երկար ատեն
ապած և գործած էր կովկասի մէջ: Տժգոր էին
Մեղոց Հայաստանիի և Նոր-Դարի կուսակցու-
թիւններն ալ, և Կասկածելի կը նկատէին Մշակի
ուուսափրութիւնը: Երբ Աղեքսանդր Երիցեանց
իր ազգականներու տեսնելու համար Պոլիս եկաւ,
ուր քարացած գիրքերու և ուրիշ իրեղններու
վրայ հմտալից դասախոսութիւն մ'ըրաւ, Թիֆ-
լիսէն անստորագիր նամակ մը ստացայ, որ կը
յորդորէր զգուշանալ այդ «ուուսական լրտես»էն:
Տաճկահայ ժողովուրդը տժգոհներու հակառուս
յայտարարութիւններէն ազգուեցաւ բնականո-
քէն, և սկսաւ կրկնել. «Աստուած մեզ Օսման-
ցիէն չը զատէ, Օսմաննցին ալ Մօսկօֆին րօ-
վիուզէն չը զատէ:»

* *

Զարը Սուլթանին դէմ պատերազմ հրատա-
րակած էր, Տաճկաստանի քրիստոնեաներուն
պաշտպանութեանը համար. սակայն հայ քրիս-
տոնեաները մոոցուած էին Քըզանլըքի նախազիծ
գաշնազրին մէջ: Երբ այս գոյժը Պոլիս հասաւ,
մեր Ժողովուրդը «մէծ ցաւ ու յուսահատական
հիասթափում» զգաց, ինչպէս կը գրէ Պ. Սա-
րուխան: Ներսէս Վարժապետեանին համար գոր-
ծելու ժամը հնչած էր: Իր եկեղեցական և աշ-
խարհական պատուիրակներուն ձեռքով, Ադրիա-
նուպոլիսէն սկսեալ, ուուս լիազօրներուն միտքը
պատրաստելէ յետոյ, ինք անձամբ վարեց վեր-
ջին բանակցութիւնները, Սան-Սդէֆանօ երթա-
լով անվեճեր Մեկնելէն օր մ'առաջ, երբ իրեն
ներկայացայ, պատմեց ինձ թէ, նախորդ օրը,
ուուս դեսպանատան հայ թարգմանը, Յաքէթիկ
Նէվրուզ, մեծ-դուքս Նիգօլային կարևոր նամակ
մը յանձնելու համար Սան-Սդէֆանօ երթալու
պէտք ունենալով և ճամբան չը գիտնալով, ձիով
Սամաթիայի Ս. Գէորգ եկեղեցին զացեր և ա-
նոր ժամկոչը իրեն հետ առեր էր իբր ուղեցոյց:
Թուրք ոստիկանութիւնը դիտեր էր այս ուղեկ-
ցութիւնը, և պատրիարքին յատուկ պաշտօնագիր
մ'ուղելով, ազգարարէր էր որ ծանր պատաս-
խանատուութեան պիտի ենթարկուէին հայ ե-
կեղեցիներու պաշտօնեաները եթէ այնունետե-
թչնամի բանակը երթալու յանդգնէին: Ներսէս,
այդ պաշտօնագիրը ինձ կարգալ տալէ յետոյ,
ըստ ժպտելով. «Կը տեսնէս, կառավարութիւնը
կատղէր է պարզ ժամկոչի մը Սան-Սդէֆանօ
երթալուն համար: Որքան աւելի պիտի կատղի
երբ լսէ Հայոց պատրիարքին հոն երթալը, այն
ալ Հայաստանի վարչական ինքնօրինութիւնը
ինդրելու համար: Վաղը ճամբերդ եմ:»

*
* *

Պ. Սարուխան կը զրէ թէ «Նար-Ռէյ Պետեր-ը բուրգից մեկնելով անցաւ Եւրոպա և միացաւ այնտեղ Խրիմեանին», այլ անտեղեակ կ'երկի «մաստենադարան»ի հեռագրին, զոր, Ներսէսի բոլոր գործակիցներուն պէս, ես ալ տեսած և արդէն յիշատակած եմ Լ. Արտէոնիք «Պատասխանառութեաններ» վերնագրով յօդուածաշարիս մէջ, որ դժբախտաբար անծանօթ մնացած է հեղինակին: Կ'արժէ պատմել համառօտ:

Սան-Մէքֆանօի մէջ, Վարժապետեան վարչական ինքնորինութիւն խնդրած էր օսմանեան Հայաստանի համար: Ոուս լիազօրները, որոնք վիթխարի Պուլկարիսա մը ստեղծած էին, դաշնապերին 16րդ յօդուածը միայն տուին իրեն, առարկելով թէ թուրք լիազօրները հակառակած էին ինքնավարութեան: Պատրիարքը որոշեց պնդել իր ծրագրին վրայ, մանաւանդ որ Անգլիացիները դաշնազիրը վերաքննելու խօսքը սկսած էին ընել: Նա ոուսասէր ճանաչուած Նար-Պէյը Բէգորկատ զրկեց, ոուս կառավարութեան շնորհակալիք յայտնելու համար 16րդ յօդուածին նկատմամբ և անկէ ինդրելու համար որ Հայաստանի ինքնավարութեան ծրագրին ոյժ տար, եթէ դաշնազիրը վիրաքննութեան ենթարկուէր երբէք: Երկու եկեղեցականները համաձայնած էին որ Նար-Պէյ իր բանակցութեան արդինքը իսկոյն պատրիարքին հաղորդէր ծածկալեզու հեռագրով մը, ուր արտաքին գործերու նախարարութիւնը պիտի կոչուէր «մատենադարան» և ինքնավարութիւնը «ձեռագիր»:

Արդարէ, կօրչաքովի հետ տեսակցելէ յետոյ, Նար-Պէյ հեռագրեց թէ «մատենադարան»ի տեսուը չ'էր խոստացած իրեն տալ իր փնտանած «ձեռագիր»ը, և խորհուրդ տուած էր որ երուապական ոստաններու միւս թանգարանապետնեւ-

բուն ալ զիմէր, գտնելու համար իր ուզած մաշաղաթը: Այս հեռագրին վրայ էր որ Ներսէս և իր խորհրդականները որոշեցին Արևմուտք զրկել անզլիասէր ճանաչուած Խրիմեանը, և հրամայել Նար-Պէյին որ երթայ անոր միանայ երբ Վեհաժողով գումարուի:

Ուրեմն անհիմն է թ. Պէկեանի պէս ոուսամոլներու սա կարծիքը թէ Հայերը սիսալ գործ ծեցին Ուուսէն զատ ուրիշ ազգերու ալ զիմելով, քանի որ նոյն իսկ կօրչաքովի խորհուրդովն էր որ այս զիմումը տեղի ունեցաւ: Եղբ Պէրլին գացինք, տեսանք թէ բոլոր արևելեան ազգերը պատուիրակներ զրկած էին նոն, նոյն իսկ Ուուսին ցեղակից և գաւանակից Սերպերն և Մօնղէնէկրօցիները, և Լորիս-Մելիքով ալ խորհուրդ տուաւ մեզ որ բոլոր կառավարութիւններուն զիմէինք հաւասարապէս, ինչ որ ըրած էինք:

Այդ կարևոր հեռագրին պատճէնը չ'ունիմ որ հրատարակեմ, և չ'էմ կարօղ վկայ կոչել զայն կարգացող ազգայինները, որոնք, աւազ, ցուրտ հողին տակ կը հանզչին այժմ: սակայն երկու փաստեր կան որոնք կրնան հաստատել պատմածիս վաւերականութիւնը: Նախ թէ, եթէ կօրչաքով տարբեր խորհուրդ տուած ըլլար, Նար-Պէյ ըը պիտի համարձակէր Պէրլին երթալ և հոն իրեն ներկայանալ: Երկրորդ թէ 1912ին ալ տեսանք համանման եղելութիւն մը, ոուս կառավարութիւնը խորհուրդ տուած իշմիածնի կաթողիկոսին որ միւս երուապական պետութիւններուն ալ զիմէր Յնրդ յօդուածին գործադրութիւնը խնդրելու համար, որով կազմուեցաւ Պօղոս Նուապար Բաշայի նախազահած ազգային պատուիրակութիւնը:

* * *

Պ. Սարուխան կը գտապարտէ Ներսէսի յաշմախակի հրաժարութիւնները, որոնք սակայն արգելք չ'եղան որ նա մինչև իր մահը վարէր պատրիարքական պաշտօնը։ Արդարութիւնը կը պահանջէր որ հեղինակը նկատողութեան առնուր սամեղմացուցիչ պարագաները թէ նա հրաժարականը կը գործածէր իբր զէնք, պառակտիչ երես փոխաններէ և նոյն իսկ կառավարութենէն զիշումներ ձեւք բերելու համար, և թէ շաքարախտն էր որ դիւրագրգիռ ըրած էր զայն, մաշիչ հիւանդութիւն մը որու զոհ զնաց, դեռ գրէթէ երիւ տասարդ։

Եւ երբ հեղինակը խոշորացոյցով կը նայի Վարժապետեանի մարդկային թերութիւններուն վրայ, չը պատմեր անոր պատիւ բերող ինչ ինչ արարքները։ Նոյն իսկ զանց կ'առնու յիշատակել սա հանրածանօթ իրողութիւնը թէ, երբ Ապտ-իւլ - Համիտ, հայ պատուիրակութեան աներկիւլ ըողոքներէն զայրացած, Տատեան Յարութիւն Բաշայի միջոցաւ Ներսէսին հրամայեց Պէրլինէն ետ կանչել զայն, հայկական խնդրին հեղինակը պատասխանեց, իբր նոր Միուապօ։ «Գնա ըսէ Սուլթանին որ ես պատուիրակուներ զըրկեցի Վեհաժողովին, ազգիս ցաւերուն դարման խնդրելու համար, և ետ չը պիտի կանչեմ զանոնք, մինչև իսկ եթէ պատրիարքարանիս դուռնէն կախել տայ զիս, ինչպէս կէս դար առաջ կախուեցաւ Ցունաց Ղրիզօրիս պատրիարքը։»

* * *

Վարժապետեանի գործակիցներուն զալով, Պ. Սարուխան կը գրէ թէ «Ներսէսին օգնել էին առանձնապէս՝ Գր. Օտեան, Պօկտ. Սերվիչն և մասնաւորապէս Ցովհ. Նուրեան»։ Եթէ հոս

մասնաւորապէս գործածուած է մանաւանդի իմաստով, դիտել պիտի տամ թէ Ներսէսի առաջին խորհրդականն էր Գրիգոր Օտեան, որուն «Զօրապետ» կերծանունը յատկացուցած էինք մեր նամակներուն մէջ, ինչպէս Նուրարին «Խիկար»։ Ինչպէս հեղինակն ալ կը խոստովանի ուրիշ էջի մը մէջ, «Գր. Օտեան գրեթէ ուղղութիւն էր տալիս այն ժամանակ ազգային կեանքին, Ներսէս պատրիարքի բացարձակ վստահութեանը վրայ յենուած»։ Վարժապետեանի երկրորդ խորհրդականն էր ծերակոյտի անդամ բժիշկ Սերվիչն, զոր Պ. Սարուխան իրաւամբ կը կոչէ «ամենից յարգուած մի պատկառելի ազգային գործող, Մահմանալըրութեան ամենահին սիւներից»։ Ասոնցմէշ շատ եւաքը կու զար Նուրեան, որ Վեհաժողովէն յետոյ տաճկասիրական հովեր սկսաւ առնուլ, թէև շարունակելով ծառայել Բերայի ազգային գործերուն։ Օտեան, որ կը ճանաչէր այս տաղանդաւոր պաշտօնատարին յեղյեղուկ նկարագիրը, կ'ըսէր. «Նուրեան էֆէնտին օր կայ որ անկողինէն հայասէր դուրս կ'ելւէ, օր կայ որ տաճկասէր։»

Հեղինակը կը գրէ. «Զէ՞որ Հայերն ևս քրիստոնեայ էին. չէ՞ որ Թիւրքիայում նոյնչափ, եթէ ոչ աւելի, զրկանք և հարստահարութիւններ էին կրել և կրում էին՝ որչափ Բուլգարները, Բօսնիակներն և այլն, որոնց դատը պաշտպանվում էր յատկապէս Ռուսաստանի կողմից զինու զօրութեամբ. ինչո՞ւ Հայերը պիտի լոէին։» Բունխնդիրը այս էր ահա, և մենք, Հայերս, յիշեալ ցեղերուն դէմ չարակամութեան զգացում չը տածելէ զատ, փափագոյ էինք որ անոնց իրաւունքները ճանաչուէին լիովին, որպէս զի կարգ մեզ զար։ Մտեան Բաշա Ալտանեան, «Տէրութիւնը մասնակցեցաւ ազգայնոց ջանից» գրելու տեղ, աւելի ճիշդ խօսած կ'ըլլար եթէ ըսէր թէ «Տէրութիւնը շատ չը հակառակեցաւ իւ

սկզբան» , և զայս կը պարտինք կառավարութեան շուարած վիճակին և մանաւանդ Օտեանի ճարտար լեզուին , որ համոզած էր թուրքերը թէ պատրիարքին ձեռնարկը անհամաձայն չ'էր իրենց շահերուն , այն Օտեանին զոր Պ. Սարուխան ալ կը կոչէ «անկեղծ հայրենասէր և հմուտ քաղաքագէտ» :

* *

Յարգելի հեղինակը , զուցէ պատմիչի անկողամակարութիւն ցոյց տալու համար , ինձ ալ զընդասեղի հարուածներ կը շայլէ : Տեսնենք թէ ո՞ր աստիճան իրաւունք ունի :

«Ոչ բուն պատուիրակն (Խրիմեան) և ոչ իր թարգմանը (Զերազ) , կը գրէ նա , խստիւ դատելով՝ չին այս պաշտօնի համար բուն յարմար անձինք» : Խրիմեան «ոչ մի եւրոպական լեզու զփալէր» , ճշմարիտ է , այլ ոչ մի բարձրաստիճան եկեղեցական ունինք որ անոր չափ տեղեակ ըլլար Հայաստանի վիճակին , ոչ մի կրօնաւոր որ անոր ասիական վեհութիւնը ունինար : Երբ Նուապար Բաշա Բարիզի մէջ տեսաւ զայն առաջին անգամ , ըստ ինձ Փոանսերէն . «Կերսէս պատրիարքը շատ լաւ ընտրութիւն մ'ըրէր է : Խրիմեան Սրբազնը Հայաստանի կինդանի պատկերն է : Պտտցուր զայն ամբողջ Եւրոպայի մէջ , և նա ամեն սիրու պիտի գրաւէ իր պարթեասակովն և հայրապետական դէմքովը , թէս ըստ խօսի եւրոպական լեզուներ : » Գեռ վերջերս Լօրու ձէյմն Պրայս , որ 1878ին տեսակցած էր անոր հետ , Կաթողիկոսական կոնդակն իրեն յանձնող պատուիրակութեան կ'ըսէր թէ այն Անգլիացիները որոնք Լօնտօնի մէջ պատահած էին Խրիմեանին , «խորապէս ազդուած են անոր ազիւնարագրէն : »

Գալով ինձ , պարզ ուսուցիչ մ'էի արդարեւ ,

այլ այս չ'արգիլեր որ մարդ քաղաքականութեամբ ալ զբաղի : Տէլզատէ ուսուցիչ էր , գիւմանագէտ ըլլալէ առաջ , և կրցաւ նշանաւոր դեր մը խաղալ քաղաքականութեան մէջ (արուեստին կ'ակնարկիմ անշուշտ և ոչ տաղանդին) : Ասկէ զատ , Վեհաժողովէն մէկ տարի յետոյ հրատարակուած Հայաստան և Խտաղիա գրքոյկիս մէջ յայտնած եմ . թէ ինձ յանձնուած պաշտօնը ձրի էր , տաժանելի և գուցէ ոչ անվտանգ , թէ շատեր մերժած էին զայն , և թէ ես ընդունեցայ , թէ ևս տկար (էջ 23) : Արդարի գիւրին զործ չ'էր ամբողջ հինգ ամիս խրիմեանի պէս արտակարգ անձնաւորութեան մը լեզուն և զրիչն ըլլալ Եւրոպայի մէջ , և յայտնի էր թէ , վերագարձիս , յաւէտ կասկածելի (միմիկ) և ատելի պիտի զառնայի թուրք կառավարութեան առջն , այնպէս որ այնուհետեւ ստիպուեցայ հայրենիքէն հեռու անցունել կեանքիս մէծ մասը : Խրիմեանին ընկերանալու արժանաւորագոյն անձը Օտեանն էր , այլ միթէ կարելի՞ էր որ նա իր պապազն խորտակէր , յայտնապէս մասնակցելով իրօք հակածուրք ձեռնարկի մը որոյ աշողութիւնը երկբայելի էր : Երիտասարդական անհաշիւ խանդը միայն կրնար ընդունիլ տալ այսքան փշալից պատօն մը . ես ունեցայ այդ խանդը . յանցանք էր միթէ :

Եւ միթէ մէր լաւագոյն գիւտանագէտներն ալ կրնային խորամանկութեամբ մրցիլ ապրիլ 1ին ծնած խաբեքայ Պիսմարքի մը , հրէամիտ Պիզզնսֆիլտի մը կամ այն կօրչաքովին հետ որ , ըստ Պ. Սարուխանի , «Փթ. զարի ուսուական ամենամեծ քաղաքագէտն է համարվում» : Միթէ հաւանական չ'էր որ Վեհաժողովին ծեր աղուէսները աւելի ազգուէին պատկառելի հայրապետի մը և խանդապառ երիտասարդի մը անկեղծ և աննենգ լեզուէն , և Աստուծմէ ըս վախցող և մարդոցմէ չ'ամաշող գատաւորը արդարութեամբ գարուէր աղերսարկու այրիին հետ :

Եւ այսպէս ալ եղաւ։ Խրիմեան և իր քարտուղար-թարգմանը մեծ պատուով ընդունուեցան թէ՛ Հռոմի, թէ՛ Բարիզի, թէ՛ Լոնտօնի, թէ՛ Վիեննայի և թէ՛ Պէրլինի մէջ։ Ոչ մի դուռ փակուեցաւ իրենց առջև, ոչ մի նշանաւոր Եւս բոպացի մերժեց ընդունիլ գանոնք։ Մամուլի ներկայացուցիչներն ալ համակրեցան անոնց պաշտպանած գատին, ինչպէս կը յայտնէ նոյն իսկ Պ. Սարուխանի գիրքէն քաղուած սա վկայութիւնը. «Հայոց Յիշատակագիրը, - գրում է պրօֆէսօր Անդրէաս Սրծրունին Բէրլինից Մշակին, - ամբողջ եւրոպական լրագրութեան կողմից մեծ համակրութեամբ ընդունուեց, և ամբողջ մամուլը միաձայն հաստատում է թէ Թիւրքիայի Հայերի պահանջները շատ համեստ և իրաւացի են, և կարծում է որ կօնգրէտն անպատճառ կ'ընդունի»։

Մէնք, Պէրլինի մէջ, նոր բան մը չունէինք խնդրելու, որոր համար պէտք ըլլար դիւանագիտական հնարքներ գործածել։ Լիբանանի վարչութիւնը ծանօթ էր ամենուն. մէնք անոր գործադրութիւնը միայն պիտի պահանջէինք օսմանեան Հայաստանի համար։ Խնդիրը պարզ էր, և կրցանք ճակատաբաց տեսակցիլ և բանակցիլ բոլոր լիազօրներուն հետ։ Դեսպանատունները երեսոյթ մը չ'էին տար, առանց յատուկ հրաւիրացիր դրկելու Խրիմեանին, նար-Պէյին և ինձ։ Կայսրը անկողին ինկած էր, ընկերվարական հօպիլինկի կարաքինչն 18 վէրք ստացած։ Այսկուսդա կայսրուհին ընդունեցաւ երեսու, անկախ Հայաստանի մը գեսպաններն ընդունելու հանդիսաւորութեամբ։ Թագաժառանգ իշխանը, որ յետոյ Ֆրէտէրիկ Գ. Կայսր եղաւ, մեզ անգամ մը Լօնունի և անգամ մը Պէրլինի մէջ ընդունելէ յետոյ, երկու անգամ ալ ճաշի հրաւիրեց, անգամ մը Բօցտամի պալատին մէջ, ուր, սեղանի վրայ, արևելեան ազգերու բոլոր ներկայացուցիչներէն

վեր բազմեցուց հայ պատուիրակները, և անզամ մ'ալ Պէրլինի պալատին մէջ, Վեհաժողովին փակման օրը։ Այս խնձորքին, զոր չը յիշատակեր Պ. Սարուխան, հրաւիրուած էին Պիսմարք, բոլոր լիազօրներն և անկախ ազգերու ներկայացուցիչները, նաև, իբր բացառիկ պատիւ, հայ պատուիրակները։

Հեղինակը, որ «ոչ մի եւրոպական լեզու չգիտցող» եկեղեցականի մը և անոր ընկերացող «կատարելսապէս անփոր» երիտասարդի մը այսքան և այսպիսի աշողութիւններուն առջև լուսթիւն կը պահէ, յանկարծ լեզուանի կը դառնայ դատապարտելու համար զիս, որ, Վեհաժողովէն գրէթէ երեք ամիս առաջ, Հռոմի մէջ արտաքին գործերու նախարարէն Խրիմեանի համար ունկելնորութիւն մը կարենալ ստանալու համար, հարկ համարած էլ անոր քարտուղարին առջև նախկին պատրիարքին դիմքը բարձրացունել, ըսելով թէ հայ Եկեղեցին «5.000.000 բրիստոննայ կը վարէ Արևելքի մէջ», այս թիւին մէջ ըմբռնելով հայագաւան Ասորիներն ալ, Պատիներն ալ, Հապէչներն ալ։ Կը մեղադրէ զիս, յիշեալ նախարարին ըսած ըլլալուս համար թէ «Հայերը 4.000.000 անհատէ բաղկացած քրիստոնեայ ժողովուրդ» մ'են, թիւ մը որ 1878ին չափանցուած չ'էր նկատուեր բնաւ, և թէ «Սուլթանի հպատակ» Հայերուն թիւը 3.000.000ի կը հասնէր, ինչ որ, ըստ Պ. Սարուխանի, «գարձեալ ճիշտ չէր», թէն չ'ըսէր թէ ինչու։ Հայ ժողովուրդը վիճակագրուած չ'էր կանոնաւորապէս, և ոչ որ կրնար հաստատել թէ 3.000.000 Հայ չը կար Տաճկաստանի մէջ։ Հեղինակը, աւելի հեռուն, ասանց դիտողութեան կը յայտնէ թէ Կերսէս, Ազգային ժողովին առջև խօսած մէկ

ճառին մէջ, ըսած է. «Ամեն օր ամեն կողմէ հրաւէր ու պաղատանք կ'ընդունիմ, մանաւանդ մեր 3.000.000էն աւելի Հայերէն, որ հայրենի հողին վրայ ազգային գոյութիւնը պահեցին մինչև այսօր:»

Հոռմի տեսակցութենէն յետոյ էր որ Պատրիարքարանը պատրաստեց և մեզ զրկեց իր վիճակագրական տեղեկագիրը: Ասոր թուանշաներուն վրայ միայն պնդեցինք այնուհետեւ:

* * *

¶. Սարուխան, L'Arménieի մէջ հրատարակած ընդարձակ յիշատակարանէս քաղելով, կը պատմէ թէ Վատէնկոզն ըսած է մեզ թէ «Լիբանանը կարելի չէ Հայաստանին նմանցնել: Լիբանանում թիւրք չկայ, իսկ ձեր երկրում շատ կայ»: Եւ կը յարէ. «Ֆրանս, մինիստրի կատարած նկատողութիւնն առանց հետեւանքի է մնում:» Եթէ հոս արանց հետեւանքի բառերը առանց պատասխանի կը նշանակեն, հեղինակը սխալած է, քանի որ, նոյն տեսակցութեան պատմութեանս մէջ, հրատարակուած է մեր պատասխանը. «Մենք բացատրեցինք թէ Լիբանանի վարչութիւնը յիշատակելով Հայաստանի նկատմամբ, ուր թուրքերը Հայերէն նուազ բազմաթիւ են, Պատրիարքարանը չ'էր ուզեր ըսել թէ Հայաստանի մէջ կէտ առ կէտ գործադրուի այն, առանց տեղական հանգամանքներուն պահանջած փոփոխութիւնները կրելու: Լիբանանի վարչութիւնը երկու սկզբունք կը ներկայացունէ մեզ. քրիստոնեայ վարչութիւն, եւրոպական հոկուութիւն. այս երկու սկզբունքները օսմանեան Հայաստանի համար անհրաժեշտ կը թուին մեզ, և այս տեսակէտով է որ մեր յիշատակագիրը Լիբանանի յիշատակութիւնն ըրած է:»

* * *

Ինչպէս ըսի արգէն, Սօլզպրի իր տաճկասէր քաղաքականութեան պահանջումներուն համեմատ տեղեկագրած է իր տեսակցութիւնը իրիմեանի հետ: ¶. Սարուխան կը գրէ. «Խրիմեան գաղտնի իմացնում է Ներսէսին թէ իր տեսակցութիւնը Սալիզերի սխալ է հաղորդած դեպանին: Ո՞րն էր այդ սխալը: Արգեօք սխալը Սալիզերի մօտ է թէ թարգմանի մօտ, որ տարբեր կերպով է հաղորդել Խրիմեանի խօսքերն անզլ. մինիստրին, գտուար է պարզել:»

Հեղինակը, որ մէջբերումներ կ'ընէ Հայաստանի հայակէն, անոր 19րդ էջին մէջ տեսած ըլլալու էր թէ այդ օրը մեզ ընկերացած էին Լօնտոնի երկու զլիաւոր հայ գործիչներն ալ, ¶. կ. Յակոբեան, որ ողջ է գեռ, և Գ. Բաբազեան, որ մեռած է: Երկուքն ալ գիտէին ֆունստերէն (խօսակցութիւնը այս լեզուով տեղի ունեցաւ), և կարող էին ուղղել սխալս, եթէ սխալ թարգմանած ըլլալի:

Իրողութիւնը սա է թէ, երբ Լօնտոն հասանք, յոյժ տաճկասէր գանին գահին և ժողովուրդը: Հայութապրքի մէջ թթափախական հոկայ միդինկներ կը գումարուէին, ցուցարարները տաճկատեաց Ալատսդընին տանը պատուհանները կը քարկոծէին, փողոցէն անցնող ֆէսաւոր Հրեայ մը թուրք կարծելով՝ իրենց ուսերուն վրայ կը բարձրացունէին և քաղաքին մէկ ծայրէն միւտը կը պտացունէին յաղթանակով, մինչ թատրոնները Օսման Բաշայի փառքովը կը թնդային և Պիգընօֆիլա, ուազմաշունչ ճառեր արտասանելով, չնդկաստանէն 7.000 զինուոր բերել կու տար Մալգա, յաղթական Ռուսին գէմ պաշտպանելու համար օսմանեան պետութիւնը, որու հետ Կիպրոսի դաշնակցութիւնը կը նախապարատասէր: Եթէ Վեհաժողովին համար կ'ուզէինք շահել

Անզլիայի ձայնը, որ այն ատեն բոլոր պետութիւններուն ձայնէն աւելի բարձր կը հնչէր, պարտաւոր էինք թուրք կառավարութեան դէմ չափաւոր լեզու գործածել, ինչպէս խորհուրդ տուած էր մեզ Բարիզի անզլիական դեսպանը: Անզլիա Թուրքին նկատմամբ գրէթէ այնպիսի տրամադրութեան մէջ էր այն ատեն որպիսի տրամադրութեան մէջ է այժմ Գերմանիա. և միթէ հայ պատուիրակութեան մը ներելի՛ է այսօր Պէրլին երթալ և հոն կծու լեզու գործածել օսմանեան պետութեան դէմ:

Մենք խօսեանք թուրք կառավարութեան դէմ, և ասոր հետքը կը նշամարուի նոյն իսկ Սօլզպիֆ վերոյիշեալ նամակին մէջ, որոյ թարգմանութիւնը հրատարակած է Պ. Սարուխան: Արդարեւ նախարարը կը խոստովանի թէ Խրիմեան խնդրեր է որ «պետութիւնների կօնքրէսում Հայերի շահերն ել նկատողութեան առնուեն և միշոցներ գործ գրուեն նրանց համար յաւ վարչուրիւն հաստատելու»: Միթէ «լաւ վարչութիւն» պահանջելը չը յայտներ թէ թուրք վարչութիւնը վատ կը նկատէինք: Մինչև իսկ երբ Սօլզպիֆ կը գրէ թէ, բոս Խրիմեանի, «Հայաստանի թիւրք բնակիշներն ևս հաւասարապէս հարստահարլում են անօրէն Քիւրդերից», միթէ Քուրդերէն գանգատիլը ինքնին գանգատիլ չ'է՞ թուրք կառավարութիւնէն, որ չը կրնար կամ չ'ուզեր զսպել իր այս աւազակաբարոյ հպատակները:

Մեր գործածած չափաւոր լեզուն իր ազգեցութիւնն ունեցաւ տաճկասէր Սօլզպիֆին վրայ: Վեհաժողովին պաշտօնական ատենագրութիւնը կը վկայէ թէ նա ըսած է յունիս 24ի նիստին մէջ. «Պէտք է պաշտպանել Հայերուն շահերը և թէ անմիջական բարւզումներու, թէ պապայ առաջդիմութիւններու յոյսեր տալ անոնց:»

* * *

Պ. Սարուխան կը շարունակէ. «Խրիմեան դեռ չէր զնացել լորդ ՖիկընսՓիլիպին այցելութեան: Նախ քան առաջին մինիստրին այցելելը՝ Խրիմեան զնում է նրա քաղաքական հակառակորդ մեծ ծերունուն՝ Գլազուոնին տեսնելու: Այս հանգամանքը նեղացրել է Լոնդոնի Հայերին, որտեղ Մ. Զերազին են վերագրել այս այցելութիւնը: Գ. Բաբազեան և իր ընկերները գտնում էին որ անքաղաքագիտական էր Խրիմեանի և Զերազի այս վարմունքը:»

Գ. Բաբազեան քաղաքական հասկացողութենէ զուրկ վաճառական մ'էր, թէ և ազգասէր գործիչ, որու հետ ես ալ այցեցի երեսփոխան Ֆօրսպըրին: Երբ Կլատոսդընն ունկնդրութիւն խնդրեցի Խրիմեանի համար, արդէն տեսած էի Պիգնասփիլի քարտուղարը, որ յայտնած էր թէ նա, յոյժ զբաղած ըլլալով, չը պիտի կարենար ընդունիլ հայ պատուիրակութիւնը, և թէ մեր խնդրեց քաղաքական էր և կը վերաբերէր արտաքին գործերու նախարարին, որ ընդունած էր մեզ (Պիգնասփիլ Պէրլինի մէջ ալ կրկնեց այս առարկութիւնը, և, երբ հոն համեցաւ մեզ հետ տեսակցիլ, պայման դրաւ որ քաղաքականութեան վրայ չը խօսինք): Այս մերժումէն յետոյ, մտածեցի թէ անպատշաճ էր Լոնդոնէն մեկնիլ, առանց մեր երախտագիտութիւնը յայտնելու արևելեան քրիստոնեաններու հզօր պաշտպան Կլատոսդընին, մանաւանդ որ նա կրնար նորէն նախարարապետ ըլլալ քիչ ատենէն, ինչպէս որ եղաւ ալ, և մեր տեսակցութիւնը Գօրիներէն գաղտնի պիտի մնար, ինչպէս որ մնաց ալ: Կլատոսդն ճաշի հրաւիրեց Խրիմեանն և զիս, յոյժ սիրալիր ընդունելութիւն մ'ըրաւ մ'եզ, սուրբազրեց և ինձ նուրիրեց իր լուսանկարը, և այնուհետեւ հայ վատին վեհագոյն փաստաբանը

եղաւ. Եւրոպայի մէջ: Երբ Ներսէս և իր խորհըրդականները, 1878ի պաշտօնավարութենէս չափազանց գոհ, 1880ին զիս նորէն Անգլիա զրկեցին իրը պատուիրակ, և այս անգամ առանձին (գիտէին թէ ես կատարած էի պատուիրակութեան գրէթէ ամբողջ գործը), Կլատոսըն, որ նախարարապետ եղած էր, վաղածանօթ բարեկամի մը պէս ընդունեցաւ զիս և ամեն ճիգ թափեց Ելրդ յօդուածին գործադրութեանը համար: Ընթերցողին կը թողում դատել թէ ովանքագիտ գտնուած է, ես թէ վերոյիշեալ վաճառականը, որ իրեն պէս կարճատես ջատագլուխեր գտած է:

* *

Հեղինակը կը յայտնէ թէ Խորհրդարանի մէջ Հայաստանի խանն բնակչութեանը մասին Սօլզպրիի յունիս Ծին ըրած «ծանրակշիռ յայտարարութիւնները հայ պատուիրակութիւնը Լօնդոնում լուելեայն ընդունեց, և միայն Քէրլինում Խրիմնեան, Նարբէյ և իրանց Խորհրդականներն անհաժեշտ գտան ուղղել Սալիզբրիի համոզում:» Լրագիրները յունիս 7ին հրատարակեցին նախարարին ճառը, և մենք յունիս 8ին մէկնեցանք Լօնդոնին, Վէհաժողովին բացմանը հասնելու համար: Սօլզպրի ալ Պէրլին պիտի երթար իսկոյն. ուստի, հապճեպ պատասխան մը տալու տիկ, օգտակար համարեցինք հոն մանրամասն հերթմանագիր մ'ուղղել իրեն, խորհրդակցելով Նար-Պէյի և Պոլիսէն զալիք աշխարհական պատուիրակ Ստեփան Փափագեանի հետ, որու համար հեղինակը կը գրէ իրաւամբ. «Այս եռանդուն երսփոխանն ի սկզբանէ անտի մ'եծ փութով զբաղուած էր Հայաստանի հարստահարութիւնների վերաբերեալ խնդիրներով և ի մօտէ ծանօթ էր Ներսէս-Օտեան և աջակիցնե-

րի ծրագրին:» Այնպէս ալ ըրինք: Միթէ այս չ'է՞ր լաւագոյն ընթացքը:

* *

Կուպար Բաշայի ծրագրին վրայ խօսելով, Պ. Սարուխան կ'ըսէ թէ Է. Տայուիի հրատարակած անգլերէն թարգմանութիւնը «Մ. Զերազ նորից ֆրանսէրէնի թարգմանելով հրատարակեց իր L'Arménie թերթում»: Ախալ է: Ես հրատարակեցի Նուպարին ինձ յանձնած ֆռանսէրէն բնագիրը, յայտնելով միանգամայն թէ Տայուիի թարգմանութիւնը պակասաւոր էր, քանի որ բնագրին մէկ կարևոր մասը գուրս ձգուած էր: Այս ծրագրական խնդիրը շատ մելան թափել տուած հայ մամուլին մէջ. կ'արժէ անոր քննութեամբը վերջացունել յօդուածս, որ շատ պիտի երկարէր, եթէ ուզէի երևան հանել հեղինակին բոլոր անձգութիւնները:

Պոլսի գործիչները բարձր համարում ունէին Նուպարի վրայ, և ես, անձնապէս, շնորհապարտ էի իրեն, իբր աշակերտ Նուպար-Շահնազարեան վարժարանի: Սակայն, պատերազմը յարաբերութիւններու խզում յառաջ բերած ըլլալով, ոչ ոք գիտէր թէ նա ուր կը գտնուէր նոյն միշնոցին: Անհնար էր թղթակցիլ և խորհուրդ հարցնել իրեն: Տնտնալու ժամանակ չը կար: Պէտք էր որ Վէհաժողովին դիմելիք պատուիրակութիւնը անոր գումարումէն շատ առաջ ճամբայ ելլէր, հայութիւնն և հայ դատը ծանօթացունելու համար այն երկրներուն մէջ որոնց լիազօրները պիտի վերաբննէին Սան-Սուլէֆանօի դաշնագիրը: Գրիգոր Օտեան ձեռք առաւ իր այն հոյակապ գրիչը որով գծած էր երբեմն Ազգային Սահմանադրութիւնն և Օսմանեան Սահմանադրութիւնը, և յօրինեց ինքնավար Հայաստանի Սահմանադրութիւնը, հիմ բռնելով Լիբանանի վարչութիւնը:

ինչո՞ւ Լիբանանի վարչութիւնը. — Զի վարչական ինքնօրինութիւնը առաջին քայլը պիտի ըլլար՝ որ մը քաղաքական ինքնօրինութեան և այնուհետև անկախութեան հասնելու համար, և զի Լիբանանի դրութիւնը վարչական ինքնօրինութեան միակ նմոցն էր Տաճկաստանի մէջ, այն ալ ասիական մասին մէջ ուր կը գտնուի Հայաստան. զի այդ դրութիւնը արդէն փորձուած և օգտակար գտնուած էր, քանի որ կրցած էր զսպել մահմետական Տիւրզիներուն ջարդասիրութիւնը և իրազործել քրիստոնեայ Մարօնիներուն ապահովութիւնը. և զի այդ դրութիւնը Եւրոպան խրաչեցունելիք նորանշան վարչութիւն մը չը պիտի ըլլար, քանի որ յօրինուած էր աշխատակցութեամբ այն ֆռանսային, Անգլիային և Ռուսիային որոնցմէ համանմանը պիտի խնդրէինք Հայաստանի համար: Անհնար էր աւելի գործնական լուծում մը գտնել հայդատին համար:

Այս համոզումով հասանք Բարիզ, ուր տեղեկացանք թէ հոն կը գտնուէր Նուալար: Մեզ տրուած հարհանգին համեմատ, իսկոյն զիմեցինք իրեն, խորհուրդ հարցնելու համար: Իրեն հաղորդեցինք Օտեանի պատրաստած յիշատակագիրը, յայտնելով թէ Գոոդիին հաղորդած էինք և Վատէնկոդնին, Սօլզպրիին և Անտրասիին ալ պիտի հաշորդէինք, Վեհաժողովին նախազահին ներկայացնելէ առաջ, որպէս զի գաղափար կազմէին մեր խնդրին վրայ: Կարդաց, հաւնեցաւ և հաւանեցաւ որ Վատէնկոդնին և միւսներուն հաշորդէինք զայն: Մինչև իսկ լսաւ մեզ խանդավառութեամբ. «Ներսէս պատրիարքը իր անունը անմահացուց Սան-Սէֆանօի կաշնագրին 16րդ յօդուածն ստանալով Ուուէն: Այսպիսի գաշնագրի մը ճայկական ինդիրը ներմուծելով, մեր ազգին այնքան մէծ ծառայութիւն մը մատոյց որ Հայերը ոսկի արձաններ կանգնելու են իրեն: »

Այս տեսակցութենէն շատ յետոյ յղացաւ տարբեր ծրագիր մը պատրաստելու գաղափարը: Յունիս 11ին մեզ յանձնեց զայն, պատուիրելով որ, Պատրիարքարանի ծրագրին տեղ, իր յօրինածը հազորութէինք լիազօրներուն և ներկայացունէինք Վեհաժողովին, որ երկու օրէն պիտի գումարուէր: «Եզիփաւական պաշտօնեայ մը ըլլալով, լսաւ, չեմ ուզեմ օսմաննեան կառավարութեան դէմ զործել յայտնապէս: Սակայն, եթէ Վեհաժողովին անդամներէն հրաւէր ստանամ, պիտի ջանամ երթալ անոնց ներկայանալ և պաշտպանել իմ ծրագիրս, որ Օտեանի ծրագրէն շատ աւելի գերազանց է: »

Կարդացի ծրագիրը, և թարգմանեցի Խրիմեանին: Տեսանք թէ Նուալար ալ, Օտեանի պէս, կը պահանջէին որ Լիբանանի կառավարչին ընտրութեան եղանակը զործագրուէր Հայաստանի մէջ: Կա կ'ուզէր սակայն որ Հայաստանի կառավարիչը արտօնուէր եւրոպացի գատաւորներ կարգելու, որոնք պիտի պատժէին զեղծարար պաշտօնեաները, օտար միջամտութիւն մը որ թուրք լիազօրներուն ամենաբուռն ընդդիմութեանը պիտի պատճէր բնականօրէն: Նուալար չափաւորած էր Պատրիարքարանի պահանջումները, միանգամայն զործածելով ոճ մը որոյ ճարպիկութիւնը չը պիտի կարենար խալել առաջին լիազօր Գարաթէնուօրի Բաշայի պէս խորամանկ Յոյն մը: Կերուէս և իր խորհրդականները արդէն չափաւոր պահանջումներ միայն ըրած էին, և չը պիտի ուզէին ազգին առջև պատասխանատութեան ենթարկուիլ, աւելի չափաւորելով զանոնք, մանաւանդ որ աջողութեան յոյսէր սկսած էին ունենալ: «Դահլիճներուն տրամադրութիւնը անծանօթ է մեզ, պիտի լսէին

1. Վշակ և ուրիշ թէրթէր քննադատեցին Պատրիարքանի ծրագիրը իրը յոյժ չափաւոր:

անշուշտ: Եթէ քիչ ուզենք, գուցէ ոչինչ տան մեզ: Լաւագոյն է աւելին ուզել, պակասը կարենալ ստանալու համար:» Ասկէ շատ, նախարարներուն հաղորդած էինք Պատրիարքարանի յիշատակագիրը. Ներսէս ալ դեսպաններուն հաղորդած էր, ինչպէս որ Պ. Սարուհանի հատարակած մէկ մասնաւոր նամակին մէջ կը խոստվանի, ըսելով. «Արդէն կառավարութեանց մատուցինք մեր պաշտօնական յիշատակագիրը:» Միթէ Պատրիարքարանի վարկը չլ՝ պիտի կոստի էթէ, իր ծրագիրը չ'եղեալ համարելով, նոր մը ներկայացունէինք, մանաւանդ որ սա նախորդին լրացուցիչ մասներն ալ չ'ունէր: Պատրիարքին և իր գործակիցները պատրաստած էին յիշատակագիր մը, խնդրագիր մը, կազմական կանոնագիր մը, վիճակագրութին մը, վիճակագրական ծանօթագիր մը, որու կցեցին Քիբէրդի քարտէս մը, ինքնօրէն Հայաստանի սահմանները գծելով անոր վրայ. Նուպարի ծրագիրը այդ յիշատակագրին մէկ ճարտարահիւս ընդլայնութիւն էր միայն, անոր յարակից տեղեկագիրներէն բոլորովին զուրկ: Ուշ մնացած կիսկատար գործ մ'էր այն, զոր մ'ծ պետութիւնները նկատողութեան չը պիտի առնուին երէք:

Ասոնք էին մեր մտածումները. սակայն չը յայտնեցինք նուպարին, չը վիրաւորելու համար զայն: Ըսինք թէ ինդիրը ծանր էր և ստիպուած էինք պատրիարքին հեռագրելով համանգի սպասել: Իրաւունք տուաւ:

Հեռագրեցինք պատրիարքին: Պոլսի գործիշներն ալ մ'զ պէս մոռածած էին: Պէրլինի մէջ ստացանք Վարժապետեանի ծածկագիր պատասխանը, որ կը հրամայէր արդէն դահլիճներուն հաղորդուած ծրագրին վրայ պիտել: Հեռագրեցի նուպարին. շատ նեղացաւ, և ինք զրկեց իր ծրագիրը Վեհաժողովի նախագահին և անդամ-

անգլերէն թարգմանութիւնն ալ հրատարակել տալով Լօնտօնի մամուլին մէջ: Լիազօրները կարգացին, և մէկդի դրին, առանց հեղինակը Պէրլին հրաւիրելու պէտք տեսնելու: Եւ ինչո՞ւ. - Զի իրենց պաշտօնն էր գաշնագիր մը պատրաստել, և գաշնագիր մը կը բաղկանայ կարձ յօդուածներէ կամ բանաձններէ և ոչ ընդարձակ ծրագիրներէ կամ յիշատակագիրներէ: Պետութիւնները, ասկէ 40 տարի առաջ, ինքնավարութիւնը շատ տեսան Հայաստանի համար, և մ'զ տուին դաշնագիրն Յնրդ յօդուածը, ինչպէս որ 23րդ յօդուածը տուած էին Սակեդոնացիրներուն: Եթէ գործադրուէին, երկու յօդուածներն ալ պիտի կարենային շատ լաւ արդիւնք յառաջ բերել, մանաւանդ Յնրդ յօդուածը, զոր պետութիւններուն պոլսական դեսպանները մեկնաբանեցին իրենց 1880 սեպտեմբերը 7ի հաւաքական ծանուցագրով: Չը գործադրուեցան գժբախտաբար, և այս աւելի զարմանալի է Սակեդոնիայի համար, որ պետութիւններուն քիթին տակ էր՝ Եւրոպայի մէջ, քան Հայաստանի համար, որ ասիական Տաճկաստանի Վերջին ծայրը կը գըտնուէր: Եւ չը գործադրուեցան, զի Սուլթանը սաստիկ հակառակեցաւ և աշակիցներ գտաւ պետութիւններուն մէջ, սկսեալ Գերմանիայէն, որուն իր դաշնակցութիւնը խոստացաւ, Պալտատի երկաթուղիէն զատ:

Երեք պարտաճանաչ պետութիւններ, Սասունի ջարդէն ազգուած, 1895 մայիս 11ին հայաբնակ զաւառներուն վարչութեանը համար Օտեանի և նուպարի ծրագիրներէն շատ աւելի չափաւոր ծրագիր մը պատրաստեցին, և անոր գործադրութիւնը պահանջեցին Սուլթանէն: Ապտ-իւլ-Համիտ ոչ միայն չը գործադրեց, այլ և 300.000 չայ ջարդել տուաւ անպատիժ, վստահ թէ պիտի պաշտպանուէր Գերմանիայէն և անոր դաշնակիցներէն: Անգլիա, Ֆրանսա, Ռուսիա չը

կրցան գործադրել տալ իրենց ամենահամեստ ծրագիրը, ուր մնաց թէ կարենային գործադրել տալ Օտեանի մը կամ Նուալսրի մը ինքնավարականը:

Գերմանիայի եսամոլ քաղաքականութեանը շնորհիւ, հայկական խնդիրը ներքին և արտաշրին կնծիռներով շրջապատուած դժուարալոյծ խնդիր մը դարձաւ հետզետէ: Ոչ թէ անիրաւ խծբանիքի, այլ անվերապահ յարգանքի արժանի են այն գործիչները որոնք անոր լուծմանն աշխատեցան անընկճելի կորովով և անսահման անձնութրութեամբ: Եթէ երախտագէտ սիրո կը կրենք, փուշի տեղ վարդեր ցանելու ենք անոնց գերեզմաններուն վրայ:

2442 - 2447

2013

